

Strategija će okončati najsloženije slučajeve ratnih zločina za sedam godina



Radna grupa koja je radila na izradi Državne strategije za rješavanje slučajeva ratnih zločina danas je usvojila konačni nacrt Strategije.

Ova strategija po prvi put osigurava jasan i sveobuhvatan stav o mjerama i sredstvima koji su potrebni da se okončaju najsloženiji i najprioritetniji slučajevi ratnih zločina u roku od sedam godina, kao i ostali slučajevi ratnih zločina u roku od petnaest godina, od trenutka usvajanja Strategije.

Prvi zamjenik visokog predstavnika Raffi Gregorian koji je prisustvovao ovom sastanku rekao je: «Ova strategija će uspostaviti racionalan, koherentan i objektivan proces za rješavanje slučajeva ratnih zločina. Ista će osigurati transparentnost za javnost što će kao rezultat unaprijediti povjerenje javnosti u pravosuđe BiH.»

Radnu grupu su sačinjavali predstavnici tijela države, entiteta i Brčko Distrikta nadležnih za oblast pravosuđa, provođenja zakona i ratne zločine.

Izražavajući čestitke Tužilaštvu BiH i svim članovima Radne grupe na ogromnim naporima koje su uložili na izradi ove strategije, visoki predstavnik i specijalni predstavnik EU Miroslav Lajčák je izjavio: «Ovo je važna prekretnica za BiH, ali još uvijek predstoji mnogo posla. Vijeće ministara treba

da usvoji Strategiju što je prije moguće kako bi njena provedba mogla započeti početkom nove godine.»

Ministar pravosuđa BiH Bariša Čolak će sada Državnu strategiju BiH za rješavanje slučajeva ratnih zločina prezentirati Vijeću ministara na usvajanje.

Vijeće za implementaciju mira (PIC) je usvajanje ove strategije postavilo kao jedan od pet ciljeva i dva uslova koji će pokazati da je Bosna i Hercegovina mirna i održiva država nepovratno na putu ka integraciji u EU. Usvajanje ove strategije predstavlja preduslov za Vijeće za implementaciju mira da otpočne sa tranzicijom Ureda visokog predstavnika u Ured specijalnog predstavnika EU.